

**BOSNA I HERCEGOVINA**  
*Konkurencijsko vijeće*



**БОСНА И ХЕРЦЕГОВИНА**  
*Конкуренијски савет*

**Zaključak**  
**o odbacivanju Prijave koncentracije privrednih subjekata**  
**"MG MIND" d.o.o. Mrkonjić Grad i "MRKONJIĆPUTEVI" a.d. Mrkonjić Grad**

**Sarajevo,**  
**oktobar, 2013. godine**



Broj: 03-26-1-15-13-II/13  
Sarajevo, 10.10.2013. godine

Na osnovu člana 42. stav (2), u vezi s članom 12. Zakona o konkurenciji («Službeni glasnik BiH», br. 48/05, 76/07 i 80/09), rješavajući po Prijavi koncentracije privrednog subjekta "MG MIND" d.o.o. Mrkonjić Grad, Podbrdo bb, 70260 Mrkonjić Grad, zastupanog po privrednom subjektu Brokersko-dilerskog društvo "Monet broker" a.d. Banja Luka, Kralja Petra I Karađorđevića 139, 78000 Banja Luka, zaprimljenoj dana 11.07.2013. godine pod brojem: 03-26-1-15-II/13, Konkurencijsko vijeće Bosne i Hercegovine, na 69. (šezdesetdevetoj) sjednici održanoj dana 10. oktobra 2013. godine, donijelo je

### **Z A K L J U Č A K**

- 1) Odbacuje se Prijava koncentracije privrednog subjekta "MG MIND" d.o.o. Mrkonjić Grad, Podbrdo bb, 70260 Mrkonjić Grad i privrednog subjekta "MRKONJIĆPUTEVI" a.d. Mrkonjić Grad, Podbrdo bb, 70260 Mrkonjić Grad, radi nepostojanja koncentracije, u smislu člana 12. Zakona o konkurenciji.
- 2) Ovaj Zaključak bit će objavljen u "Službenom glasniku BiH", službenim glasilima entiteta i Brčko Distrikta Bosne i Hercegovine.

### **O b r a z l o ž e n j e**

Konkurencijsko vijeće Bosne i Hercegovine (u daljem tekstu: Konkurencijsko vijeće) je dana 11.07.2013. godine, pod brojem 03-26-1-15-II/13, zaprimilo Prijavu koncentracije (u daljem tekstu: Prijava) privrednog subjekta "MG MIND" d.o.o. Mrkonjić Grad, Podbrdo bb, 70260 Mrkonjić Grad (u daljem tekstu: "MG MIND" ili Podnosilac prijave), zastupanog po privrednom subjektu Brokersko-dilerskog društva "Monet broker" a.d. Banja Luka, Kralja Petra I Karađorđevića 139, 78000 Banja Luka, kojom namjerna steći kontrolu nad privrednim subjektom "MRKONJIĆPUTEVI" a.d. Mrkonjić Grad, Podbrdo bb, 70260 Mrkonjić Grad (u daljem tekstu: "MRKONJIĆPUTEVI").

Uvidom u dostavljenu dokumentaciju utvrđeno je da Prijava nije potpuna, u smislu člana 30. Zakona o konkurenciji (u daljem tekstu: Zakon) i čl. 9. i 11. Odluke o načinu podnošenja prijave i kriterijima za ocjenu koncentracija privrednih subjekata ("Službeni glasnik BiH", broj 34/10).

Konkurencijsko vijeće je od Podnosioca prijave aktom broj: 03-26-1-15-1-II/13 dana 24.07.2013. godine zatražilo dopunu Prijave, a Podnosilac prijave je podneskom zaprimljenim pod brojem: 03-26-1-15-2-II/13 od dana 01.08.2013. godine, dostavio dokaz o uplati administrativne takse i zatražio produženje vremenskog roka za dopunu Prijave u skladu sa članom 31. stav (2) Zakona.

Konkurencijsko vijeće je aktom broj: 03-26-1-15-3-II/13 od dana 05.08.2013. godine odobrilo dodatni rok za kompletiranje Prijave, u smislu člana 31. stav (2) Zakona, a Podnosilac prijave je dana 12.08.2013. godine podneskom broj: 03-26-1-15-4-II/13 dostavio dopunu Prijave, ali je

Konkurencijsko vijeće zbog određenih nepreciznosti i nedostataka u dostavljenoj dokumentaciji, aktom broj: 03-26-1-15-5-II/13 od dana 27.08.2013. godine, ponovo zatražilo dopunu iste.

Podnosilac prijave istu je kompletirao podneskom zaprimljenim dana 05.09.2013. godine pod brojem: 03-26-1-15-6-II/13, dana 23.09.2013. godine pod brojem: 03-26-1-15-9-II/13 i dana 24.09.2013. godine pod brojem: 03-26-1-15-10-II/13.

Podnosilac prijave je naveo, u skladu sa članom 30. stav (2) Zakona, da nema namjeru podnijeti zahtjev za ocjenu koncentracije tijelu za konkurenciju izvan teritorija Bosne i Hercegovine.

Konkurencijsko vijeće je u skladu sa članom 16. stav (4) Zakona, aktom broj: 03-26-1-15-7-II/13 od dana 17.09.2013. godine, izdalo Obavještenje o prijavi koncentracije. Obavještenjem o prijavi koncentracije objavljeni su osnovni podaci o koncentraciji i pozvane su sve zainteresovane strane da dostave pisane komentare na predmetnu koncentraciju. U ostavljenom roku, Konkurencijskom vijeću nisu dostavljeni traženi komentari.

Konkurencijsko vijeće je dana 25.09.2013. godine pod brojem: 03-26-1-15-11-II/13 Podnosiocu prijave izdalo Potvrdu o prijemu uredne i kompletne Prijave, u smislu člana 30. stav (3) Zakona.

Konkurencijsko vijeće je u postupku ocjene Prijave utvrdilo slijedeće činjenice:

Prijava je podnesena u propisanom roku, u smislu člana 16. stav (1) Zakona.

## **1. Učesnici u postupku**

Učesnici u postupku su privredni subjekt "MG MIND" d.o.o. Mrkonjić Grad, Podbrdo bb, 70260 Mrkonjić Grad i privredni subjekt "MRKONJIĆPUTEVI" a.d. Mrkonjić Grad, Podbrdo bb, 70260 Mrkonjić Grad.

### **1.1. Privredni subjekt "MRKONJIĆPUTEVI"**

Privredni subjekt Društvo za održavanje i zaštitu puteva "MRKONJIĆPUTEVI" je a.d. Mrkonjić grad, Podbrdo bb, 70260 Mrkonjić Grad, je registrovan kod Okružnog privrednog suda Banja Luka, sa matičnim brojem upisa: 1-348-00 (JIB: 4401192640007), sa 64,88% vlasničkih udjela fizičkog lica Mladena Milanovića, (..)\*\*<sup>1</sup>, 19,43% vlasničkih udjela fizičkog lica Draženka Gloginjića i 15,69 % vlasničkih udjela ostalih dioničara.

Pretežna registrovana djelatnost privrednog subjekta "MRKONJIĆPUTEVI" je niskogradnja (izgradnja, rekonstrukcija i održavanje putne mreže).

Privredni subjekt "MRKONJIĆPUTEVI" nema povezanih društava u Bosni i Hercegovini u kojima ima 10,0% ili više udjela u osnovnom kapitalu ili 10,0% ili više prava glasa.

### **1.2. Privredni subjekt "MG MIND"**

Privredni subjekt Trgovinsko društvo "MG MIND" d.o.o. Mrkonjić Grad, Podbrdo bb, 70260 Mrkonjić Grad, je registrovan kod Okružnog privrednog suda Banja Luka, sa matičnim brojem upisa: 1-11812-00 (JIB: 4401192990008), sa 100,0% vlasničkih udjela fizičkog lica Mladena Milanovića, (..)\*\*.

---

<sup>1</sup> (..)\*\* podaci predstavljaju poslovnu tajnu u smislu člana 38. Zakona o konkurenciji

Pretežne registrovane djelatnosti privrednog subjekta "MG MIND" su trgovina na malo tehničkim aparatima i niskogradnja (izgradnja, rekonstrukcija i održavanje putne mreže).

Povezana društva privrednog subjekta "MG MIND" u Bosni i Hercegovini u kojima ima 10,0% ili više udjela u osnovnom kapitalu ili 10,0% ili više prava glasa su:

- privredni subjekt Bosna trgovina a.d. Banja Luka sa 29,75% vlasničkih udjela,
- privredni subjekt Očna optika d.o.o. Banja Luka sa 100,0% vlasničkih udjela,
- privredni subjekt Šumaprodukt a.d. Trebinje sa 68,39% vlasničkih udjela,
- privredni subjekt Tržnica a.d. Banja Luka sa 90,08% vlasničkih udjela.

### **1.2.1. Fizičko lice Mladen Milanović,**

Fizičko lice Mladen Milanović, (..)\*\*, ima vlasničke udjela u osnovnom kapitalu:

- privrednog subjekta "MG MIND" sa 100,0% vlasničkih udjela,
- privrednog subjekta "MRKONJIĆPUTEVI" sa 64,88% vlasničkih udjela, i
- privrednog subjekta "MERKUR" d.o.o. Banja Luka sa 100,0% vlasničkih udjela.

## **2. Ocjena prijave koncentracije**

U Prijavi je navedeno da privredni subjekt "MG MIND" namjerava steći kontrolu nad privrednim subjektom "MRKONJIĆPUTEVI" kupovinom 1.100.000 dionica druge emisije (povećanje osnovnog kapitala emitenta) privrednog subjekta "MRKONJIĆPUTEVI", na dan 28.06.2013. godine.

Prije provođenja predmetne transakcije, fizičko lice Mladen Milanović imao je 64,88% vlasničkih udjela u privrednom subjektu "MRKONJIĆPUTEVI", dok bi nakon njenog provođenja privredni subjekt "MG MIND" imao 37,41% vlasničkih udjela, a fizičko lice Mladen Milanović 40,61%, vlasničkih udjela, odnosno ukupno 78,02%.

Konkurencijsko vijeće je utvrdilo da se u predmetnom postupku radi o reorganizaciji povezanih društava, a ne o koncentraciji jer nije došlo do stjecanja, odnosno do promjene kontrole nad privrednim subjektom "MRKONJIĆPUTEVI", te da nisu ispunjeni uslovi iz člana 12. stav (1) Zakona i da Podnosilac prijave nije bio u obavezi podnijeti prijavu koncentracije, te je shodno tome odlučeno kao u dispozitivu ovog Zaključka.

## **3. Administrativna taksa**

Podnosilac prijave na ovaj Zaključak, u skladu sa članom 2. stav (1) tarifni broj 108. tačka d) Odluke o visini administrativnih taksi u vezi sa procesnim radnjama pred Konkurencijskim vijećem ("Službeni glasnik BiH", br. 30/06 i 18/11) je dužan platiti administrativnu taksu u iznosu od 1.000,00 KM u korist Budžeta institucija Bosne i Hercegovine.

## **4. Pouka o pravnom lijeku**

Protiv ovog Zaključka nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objavljivanja ovog Zaključka.

**Predsjednik**

**Gordan Raspudić**